



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 01-05-43190-27/19  
Sarajevo, 13.12.2019. godine

## **SKUPŠTINA KANTONA SARAJEVO** **Predsjedavajući Skupštine Kantona Sarajevo**

### **Predmet:**

**Odgovor na zastupničku inicijativu zastupnice Segmedine Srne Bajramović**

Zastupnica **Segmedina Srna Bajramović** na 16. Radnoj sjednici Skupštine Kantona Sarajevo, održanoj 11.12.2019 godine, u okviru tačke dnevnog reda „Poslanička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo pokrenula je **zastupničku inicijativu** kako slijedi:

„Na osnovu člana 213. Poslovnika Skupštine Kantona Sarajevo podnosim inicijativu da Vlada KS i resorna ministarstva zajedno sa KJP Sarajevo šume, Upravom za šumarstvo i KJKP PARK razmotre i poduzmu korake ka realizaciji projekta urbanih šuma koje predstavljaju dio globalne UN inicijative Great Green Wall for Cities.

Smatram da u okviru pomenute inicijative treba razmotriti na koji način i građani mogu biti dijelom projekta koji nam je jako potreban u okviru međunarodne borbe protiv klimatskih promjena kao i našeg lokalnog problema aerozagadenja.

Predlažem da se u iznalaženju sredstava za pomenuti projekat kontaktiraju i međunarodne organizacije kako bi Kanton Sarajevo lakše podnio teret finansiranja, a iskustva crpe iz projekata koje već realiziraju Slovenske šume, Grad Zagreb i Hrvatske šume, Grad Beograd i Srbija šume“.

### **Odgovor:**

Ministarstvu privrede Kantona Sarajevo podržava zastupničku inicijativu zastupnice Segmedine Srne Bajramović vezanu za razmatranje i poduzimanje koraka ka realizaciji projekta urbanih šuma koje predstavljaju dio globalne UN inicijative Great Green Wall for Cities.

Urbane šume (Urban forests) su trend u svijetu i imaju za cilj realizaciju socijalnih i ekoloških funkcija šuma. Posebno su značajne sa aspekta klimatskih promjena i uloge šuma u apsorpciji ugljenog dioksida. Veoma je značajan rekreativni, edukativni i turistički aspekt urbanih šuma.

Ministarstvo privrede Kantona Sarajevo putem Uprava za šumarstvo je uzelo aktivno učešće u realizaciji prve urbane šume u Bosni i Hercegovini na lokalitetu Grdonj Općina Stari Grad.



Projekat „Urbana (Park) šuma prijateljstva Sarajevo“ je nastao kao plod saradnje između Udruženja, inženjera i tehničara šumarstva Federacije BiH - „UŠIT“ i Ministarstva poljoprivrede i šumarstva Republike Turske - Generalne direkcije za šumarstvo Republike Turske - "O.G.M".

Tehnička realizacija projekta se vršila putem Turske agencije za razvoj - "TIKA" sa sjedištem u Sarajevu. Aktivni učesnici u realizaciji projekta osim Generalne direkcije za šumarstvo Republike Turske su bili: Udruženje inženjera i tehničara šumarstva Federacije BiH ("UŠIT"), Ministarstvo privrede Kantona Sarajevo - Uprava za šumarstvo Kantona Sarajevo, Općina Stari Grad, kompanija "Natron-Hayat" i K.J.P. "Sarajevo šume".


„Urbana (Park) šuma prijateljstva Sarajevo“ ima polivalentan značaj za Kanton Sarajevo i državu Bosnu i Hercegovinu.

Vašu inicijativu, realizacije projekta urbanih šuma koje predstavljaju dio globalne UN inicijative Great Green Wall for Cities, smatramo veoma konstruktivnom uz ideju da je neophodan interesorni pristup pri realizaciji ove ideje uz intenzivno uključivanje svih interesnih strana (Grad Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo privrede Kantona Sarajevo, K.J.P. "Sarajevo šume" d.o.o. Sarajevo) i građana Kantona Sarajevo.

S poštovanjem,

Dostavljeno:

- ① Naslovu,
- Vladi Kantona Sarajevo – na znanje,
- Evidenciji,
- Arhivi.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

